


# 日本野史


和書門  
類  
號  
函  
架  
冊  
三  
九  
〇

內閣文庫  
和書  
類  
號  
冊  
架  
函  
三  
九  
〇  
二  
九  
〇

內閣文庫		
番號	和	15190
冊數	200(102)	
函號	139	3











野史卷一百三十六



源忠彦 修



武臣列傳第四十四

毛利秀元

字少輔四郎永祿中為穗井田元資養子居備中猿

掛城稱治部少輔毛利系圖天正五年元清率步騎

八千渡讚岐援香川信景陣于茶臼山七月與阿波

兵戰克之修繕元吉城而與阿兵講和回軍温私記尼



子勝久據上月城元清從兄元春隆景將兵圍攻羽  
柴秀吉來援上月元清屢揮槍力戰被創數處猶不  
撓而進迄夜而罷宇喜多直家應秀吉侵掠郡境元  
清據中山城拒之直家遣其族忠家基家等侵略兒  
嶋元清率兵二千急馳與戰于蜂濱克之獲基家譜家  
私記迨秀吉圍鴨城桂廣繁保牙城東西羅郭皆降敵  
廣繁縱火箭燬東郭擊却敵攻圍猶未解元清將赴  
救衆以為不可元清弗聽自督兵三千馳抵岩碕廣  
繁得機捍禦益力敵遂解圍去譜家十一年移居中山  
城復族毛利十三年移櫻尾城十六年七月叙從五

位下任越前守後稱伊豫守系圖家譜證明之役興航海  
代秀元督師頓釜山浦文祿三年秀吉欲獲生虎元  
清乃率兵獵虎于朝鮮山聲之間獲生虎二頭以送  
行營秀吉喜躍厚賞元清系圖家譜利舊記秀元小字宮松丸  
天正十二年元春隆景初見宮松于中山城隆景相  
之曰斯兒酷肖先考頓有偉容宗家未有嗣宜立為  
嗣矣元春可之乃伴還吉田輝元悅系圖家譜利舊記而輝  
元以宮松送秀吉為質十五年秀吉帥師伐西海携  
宮松發京師而宮松歸郡山家譜十八年秀吉東  
伐小田原秀元從輝元為聚樂留後迨秀吉振旅而



歸薦秀元叙從五位下任右京大夫

家神任

文祿元

年輝元督師征明秀吉命造巨艦秀元督之而成六

月獻之耶古耶行營艦中藉薦薦五十八鋪秀吉喜

曰古來所未見聞且改曰日本丸親舞躍船中賜饗

於諸將而載穀一萬二千苞運之朝鮮

家譜室町七  
殿日記

七

月秀元欲往行營十八日抵赤馬關會秀吉聞天瑞

太夫人疾病發耶古耶是日到小倉秀元聞之直馳

如小倉謁秀吉秀吉喜諭遣歸尋秀吉乘艦而發秀

元船亦繼發比及柳浦四灘秀吉艦上有人遽麾後

船問之舵工舵工答曰御艦礙巖矣秀元急馳船至

秀吉與左右二人裸體佇立巖頭揭巾召船巖峙立

而不傍秀元命架以小艇秀吉握秀元佩刀柄躍而

移其船命繫內裏濱而上陸布氈於舸子櫃上露坐

召秀元頌賞曰如今城忠過於橫槍遠矣實予再造

父也斯童非凡庸為輝元適嗣必矣誰謂以金吾為

輝元嗣予酷不信予嘗艱難所得職位奚以讓他人

耶已定治兵衛為後也雖輝元亦然矣恐是勅解由

奴之言最可憎也以予之言宜審達輝元如輝元陰

景者予羽翼嘗說如欲九列則加長門封十列矣並

謂唯命之從予強之乃對曰棄祖先墳墓不欲遷封



唯依舊足矣今日微秀元予殆不免葬魚腹何以疑  
貳哉於是誅柁工明石與二兵衛而梟之賜短刀於  
秀元衣服於家臣褒賑榜人舸子有差時秀元甫十  
四歲家譜私記室八月秀元如京師秀吉為執奏任  
侍從超先官進正四位上私記更稱甲斐守武家補任  
○按藩翰譜云是日太閤授秀字稱秀元未詳其  
所據或作叙從四位下云

是歲輝元在韓疾病秀吉遣秀元赴代督師文祿二  
年三月秀元航海四月達釜山浦代輝元領師私記  
藩翰先是加藤光泰細川忠興長谷川秀一等攻晋州

城晋州之為地也據險距王城四日程初朝鮮王李  
昭之彝義別也藏累世寶器于此地置銳虜二萬守  
之望我師之至急起掩擊光泰等敗走乞援于行營  
秀吉召秀元謂曰頃聞輝元在韓疾病卿其往代為  
元帥可拔晋州時東照宮及前田利家等在側秀  
吉顧言曰予聞流言証明將士以無督帥各投制交  
相惡故遣奉行等詰正之方今命秀元為都督則奉  
行等雖在韓莫益也阿童年弱而受重任卿等以為  
不可矣予而予能識渠風骨神秀且陰景亦在師扶  
翼之則誰可不推重矣哉僉曰至哉一言可謂門楣



生光者也錄實五月秀元赴守金山浦領兵置推木島

東萊豐臣譜六月堵將欲攻晋州拈鬪隆景當攻將秀

元為圍軍加藤清正小西行長黑田長政淺野幸長

繼進隆景傳令逼城擊虜獲首級清正意惡行長拋

自己大功欲屠晋州城故先眾而進長政及伊達正

宗亦發秀元從西面急逼城壁棄之守將牧使徐禮

元逃匿林藪眾部索得截之判官成守璟等死者六

萬餘牛馬雞犬不遺皆夷斬虜首一萬餘送之旅行

營毛利傳記家譜秀吉感悅遙授感章就陞正三位任

參議補○按武家補任作文祿三年○公卿三年按私

補○按武家補任作文祿三年○公卿三年按私

年四九月秀吉召秀元於朝鮮秀元率輕騎而歸如京

師秀吉養弟秀長女以配秀元粧奩華麗盡善美都

下傳為美觀私記藩翰譜實為大善夫人不圖家譜慶長二年

春秀吉再命征韓秀元復代輝元為督師五月發廣

嶋先是清正行長與堵將達釜山浦及竹嶋明漂客

沈惟敬遣妻國安於行長陣謂曰我嘗內應貴邦事

發覺就凶然志猶在貴域方今南原城全羅道節度

使李福男據守兵不多急襲則必陷矣斯城也於韓

土最為樞要東雲峰鳥嶺南三浪大江以通路金海

竹嶋右開山嶋邢玠率遼兵三千守之陳愚衷兵二



千守全列韓將金應瑞李元翼在雲峰權慄元均化  
閑山嶋邊皆為南原援勢若壓此諸營而攻則陷必  
矣行長大悅與諸將議將攻南原時七月雨霖一日  
元均發水軍將來襲藤堂高虎管直之或作逆擊其  
不意挫之八月諸將到密陽豆耻津宇喜多秀家步  
騎五萬行長為之先鋒島津義弘蜂須賀家政長曾  
我部元親加藤嘉明生駒一政等右慶列抑雲峰鳥  
嶺而進南原秀元步騎五萬清正為先鋒黑田長政  
淺野幸長毛利高政吉川廣家兵戶元續吉見廣行  
等繼之發慶列自密陽大立入全義館而布陣小早

川秀秋使山口宗永等兵八千抵忠清道雲峰戍虜  
聞師至皆潰走師遂薄南原義弘嘉明拈鬪而當全  
列陳愚衷不能出師圍南原數匝環竹盾架雲梯守  
將楊元力戰三日師死傷甚多行長謀緩攻遠圍夷  
虜疲罷熟睡行長窺其罅十七日黎明焚禾堙塹鼓  
噪而登遂拔之李福男禦死楊元裸跣遁去獲首三  
千俘虜數百口臣私記陳愚衷初至全列無斗糧  
而四外山中多貯米菽兵甲蓋韓民苦明荒虐甚於  
我師不欲在國且恐我兵至也愚衷驅迫韓民入城  
悉搬取糧仗人情恟恟及南原陷羣民作亂二十日



師進薄全列愚衷懼奔公列師館殺于全列以休士  
馬於是陸路洞開全列以北皆瓦解史逸九月朔秀元  
進師於全義館而陣慶尚道長改為先鋒縱火燬近  
邑韓人屯稷山水源明將解生以韓虜五百為前軍  
黑田長政先隊栗山利安後藤氏房與戰敗之明將  
揚登山午伯英來援利安等衝圍而出長政進騎接  
戰秀元欲戰粟屋景雄并上景貞諫止振柵嚴備穴  
戶元續率部下掩擊解生解生兵內崩而走李益喬  
劉遇節援戰虜勢復振長政元續健鬪陷陳秀元麾  
下亦競至虜遂敗走日既晡師亦不長驅而罷私記

豐臣十月諸將以天漸寒退師行長屯松島清正次  
蔚山秀秋守釜山秀元屯西生浦秀家據順天諸將  
鱗次堡塢相峙特角豐臣家秀元元續率兵一萬救蔚  
山廣家兵一萬守巨川城又聞韓人屯加野山分師  
一萬備之秀元中軍四千陣于世虞列韓虜十餘萬  
來襲秀元邊擊大破之獲首一千餘級徙營于梁山  
毛利韓虜來圍巨川鳴鉦鼓徧城鼓噪三日夜師捍  
禦不屈會樓上報曰虜軍自騷擾諸虜皆東走衆未  
信佐藤權右衛門登櫓望見曰信矣乃是秀元聞警  
督師急馳援分隊伍奮擊前鋒益射銳矢力戰縱橫



格鬪虜後隊先潰堵部悉瓦解師追擊斬虜四百三十餘級室町日記清正修繕蔚山城是歲十二月預成二十二日漢南衆虜急來襲冷泉元滿陣元滿死之元續率騎兵赴擊未刻虜少卻清正聞警自節海馳入城守禦嚴戒令加藤正俊深瀨忠良為遊軍救堵部二十三日虜鼓噪乘壁羅郭陷衆保牙城禦戰清正淺野幸長太田一吉穴戶元續日夜奮勵迄次年正月而不解秀元聞之馳檄於堵營二日進抵陳山與蔚山相距一里嘉明長改為前軍與虜中間僅十町四日黎明秀元赴援使長改部下發銃掩擊秀元

親自勵衆競進擊大破之虜悉北散所斬獲首三萬八千餘級師猶長驅蜂須賀家改制止曰大虜如反則我師危矣是夜二更堵將會合蔚山城時或謂有敗虜萃慶刈秀元欲赴擊家改曰不可也乃罷私記蔚山經營未全成刻日修築焉或謂咸撤堵營征伐而保釜山府嘉明不肯秀元亦弗聽乃遣人報捷問議秀元駐蔚山使清正愆于西生浦五月秀吉投書賞有功使秀元秀秋秀家歸航六月秀元歸到伏見竭秀吉毛利家譜七月秀吉諭輝元割領國四列令頒封秀元輝元以子秀就故猶豫弗果秀元亦固辭而



不受實錄以長門國及周防吉敷郡安藝并日市宮內  
平良佐方河井箕子備後酒屋出雲由來備中并原  
井末等租二十萬石為秀元采邑餘稿十一月秀元為  
迎堵將于韓將航海會皆罷還實錄庚子秋輝元  
為三成適大坂謀舉兵初秀元聞慧瓊之言應之而  
察為三成甚謀諫輝元曰秀賴幼稚矣得城內府  
之邪正且君與內府為昆弟之約盟血未乾然今  
黨奉行等而背盟恐不可矣子弗聽又曰若弗聽則  
推秀賴而東下追躡堵為先鋒然則羣侯偃旗脫甲  
來歸必矣輝元猶弗聽去勵三成曰足下東伐宜奉

秀賴出聞秀賴出則羣旗必靡服矣三成不從秀元  
歎息曰大事不遂矣實錄八月秀元以諸侯師略  
伊勢圍阿濃津城二十三日城將陷秀元聞岐阜急  
使高野僧興山行成畠田知信致城而去秀元回兵  
則岐阜既陷乃退次南宮山吉川廣家長曾我部盛  
親長東正家安國寺慧瓊等隸焉德川記九月十四  
日夕正家慧瓊自大垣歸于南宮山來謂秀元曰秀  
家謂卿暨堵將今宵密下兵於山址及明旦挑戰之  
期請衝東中軍答曰我雖年弱代納言督眾胡為哉  
秀家指揮矣哉二人謂廣家曰宰相殿所言他日而



乃可矣方今逼戰期論是非則恐惟幕去矣皆為秀  
賴也靖枉而從之廣家不待言畢罵慧瓊曰秀家所  
令他非我所管卿輩數違我旨其意可恠辭色最厲  
二人鼠伏去集落穗十五日秀元心持兩端初觀熒起  
西師競將下師應之廣家廣俊弗聽乃傳餐而坐或  
相謂曰斯飯宰相氏及食邪於是正家等山址軍始  
疑懼東師乘勝部下尚不曹卒皆委銳傍觀為秀元  
使謂正家等曰我欲下而前鋒不可靖子自為計山  
下軍驚而潰亦不追為池田輝政淺野幸長等諸部  
望見蹙之斬獲許多盛親犇大坂正家走水口慧瓊

遽投秀元陣秀元不忍放棄乃携而逃伊吹山慧瓊  
途犇鞍馬廣家使謂長政曰秀元且馳見為但輝元  
在大坂義不可特先靖侯異日遂垂囊引去德川記  
藩翰譜  
十七日秀元遇黑田長政于大津長政曰天下既定  
卿亦駐于此迎大旂至而竭之秀元辭曰吾未知我  
納言所置乃別去實錄輝元遽驚不竢秀元至而遁木  
津別業遣使之降 東照宮 台德公遣藤堂高虎  
古田重勝諭秀元曰卿嘗有舊誼且憐愛雄武故更  
封以長門靖為親昵矣秀元辭曰臣不敢望封國唯  
願使藤七郎保有宗祀也廼封輝元秀就於防長二



列而秀元割豐東豐西豐田三郡以為食邑治長府  
待秀就為長代執國事每候東府殊命除二列公賦

系圖十七年三月 東照宮養松平康元女以配秀

元是為淨明夫人秀元前室大善豐夫人以已歿故

也系圖柳大坂之役起秀元秀就在東府與福嶋正

則黑田長政加藤嘉明為留後秀元憑水野忠元懇

田臣及秀就偕為親戚何故見嫌忌請與秀就俱為

先鋒一列矣 官聞之伏見曰予過矣乃命從役稿餘

藩藉夏役起秀元在國承命遣使勸秀就于東上秀

元急發軍艦夜以繼日抵室津嘗有府命置戍抑留

西道舟艦秀元告故而馳明石岩屋兩岸連發銃秀

元上船樓大呼曰奉大樹命秀元馳役也阻撓者皆

叛賊也乃馳到伏見竭 台德公而謂本多正信曰

西海止船實似無益如巨艦遇噴風者不可如之何

也 公嘉納其言五月七日諸隊將濟長柄川未城

水淺深秀元曰斯津也河海之分必不浚矣先登麾

下士卒悉涉後軍繼進秀元先衆薄高麗橋及接戰

諸部或亂次秀元特整旅前傳極樂橋獲首三百餘

級又奪敵番船托之向升忠勝擇有明燈首一百九

級以報焉餘稿家增 大寬永初年秀元候東府輝元

坂陣首帳



入道宗瑞遣人謂曰我宗嘗領十列迄今僅有二列  
所納租稅不足充給上下困窮不堪軍務雖保世祀  
無益也故欲返封宰相僅有意熟計以有社稷秀元  
愕以議之士并利勝利勝以聞 台德公曰秀元宜  
計焉秀元乃打量二列得稅額七十八萬石於是宗  
瑞聊舒意云 藩翰諸君 臣言行錄 寬永八年十月秀元辭國務  
大猷公常曰秀元歲甫十四為征明元帥非童也人  
有文且武門葉爵位並為予良友每召侍左右談今  
古事蹟當時謂之御吐眾 藩翰 十七年九月秀元承  
旨享 大猷公於呂川新第尾紀木三家及宿老僧

澤菴陪從珍羞盡美秀元點茶終日燕遊逮十六夜  
月昇秀元詠和歌獻酬贈遺有差正保元年十月再  
受旨享 公於山里自點茶獻賜有等 藩翰諸寬 明日記 慶  
安三年閏十月薨歲七十二 系圖 藩翰 法名功山玄譽  
號智門寺 系圖 家譜 稱豐浦參議初關原軍散秀元回兵  
過福嶋正則池田輝政陣頭去正則恚曰秀元憊癩  
執戲弄以為質令輝元蒲伏輝政曰雖執器竊弱將  
胡為足為功骨折無益正則曰雖然執以為質則乃  
父必降矣是則微忠也使人來謂曰時今當午食請  
享之且欲高議靖枉駕來秀元諾將往老臣或諫之



弗聽曰我亦有處置勿用衆如今不往則彼儕必謂  
吾懼正則矣乃往正則迎之於帷幕之外秀元曰我  
朝餐露醉嗜莫深咎願與足下偕入帷矣笑把正則  
右腕而禹步秀元有膂力正則不耐痛楚面色變音  
進到左手揭幕曰三左殿在此乎吾露醉更酩酊高  
議已辨食亦饜嗜他日聞直議矣顧正則曰請偕而  
出命馬左執正則腕右把韁繩辭正則歸正則憮然  
曰豈圖阿兒膂力如斯矣痛苦三日不能占帶至是  
人皆始知秀元強力 東照宮聞之曰如大夫者宜  
懲他日也一年秀元會衆賞月於廣嶋城樓下半夜

驟雨至三層樓雷下迸勢恰如瀑布秀元戲謂左右  
曰予以一戲視女等乃令左右執燭自揭拳當雷雷  
下距拳上六寸餘散飛八方云鶴頭子光廣元知光  
廣叙從四位下稱和泉守 大猷公賜諱字藩藩

○毛利系圖毛利家譜或作叙從四位下任侍從  
今按武家補任不載侍從然寬永三年二條行幸  
記及寬明日記載云侍從光廣考系圖叙從四位  
下係寬永十二年十一月未審猶當考

父薨而嗣家承應二年卒子綱元嗣 嚴有公賜諱  
字叙從四位下稱甲斐守系圖藩藩後任侍從系圖藩藩子



元倚 常憲公賜諱字稱吉元叙從四位下稱右京大夫寶永四年為宗家吉廣嗣以子元朝為綱元後綱元尋卒元朝嗣稱字又四郎正德三年元朝為吉元嗣使綱元四男元矩為嗣元矩字右京享保三年三月蚤死歲十五因律還附食邑于宗家原圖享保通鑿元知割父食邑一萬石候幕府叙爵稱刑部少輔原圖藩翰有二子長曰元武叙爵稱伊豫守先父卒次日匡廣本名元平繼父叙爵稱壱岐守享保三年元矩卒祀絕宗家吉元靖幕府加食邑三萬八千石於元平徙治長府而卒子師就嗣領邑一萬石于弟匡平

居清末列侯藉師就叙爵稱主水正原圖續藩翰享保二十年四月候營中水野忠直發心疾為被創不瘳而卒弟匡敬嗣叙爵稱甲斐守寬延四年宗家宗廣卒無嗣匡敬承其後改名重就令子匡滿襲家與匡平子孫並相傳世侯



